

10 338 იძულებით გადაადგილებულ მოქალაქეს საყოფაცხოვრებო პირობები გაუმჯობესდა

22 იანვარი 2015

დევნილთა კოტეჯურ დასახლებაში განხორციელებული სამუშაოები, დღეს-სოფელ შავშევებში, ამერიკის შეერთებული შტატების ელჩმა საქართველოში - რიჩარდ ნორლანდმა, საქართველოს რეგიონული განვითარებისა და ინფრასტრუქტურის მინისტრმა დავით შავლიაშვილმა, საქართველოსოკუპირებულიტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრმა, სოზარ სუბარმა, საქართველოს სოფლის მეურნეობის მინისტრმა ოთარ დანელიამ და შიდა ქართლის გუბერნატორმა ზურაბ რუსიშვილმა ერთად დაათვალიერეს. ლონისძიებას ადგილობრივი ხელისუფლების წარმომადგენლები და USAID-ის მისიის დირექტორი სტეფან ჰაიკინი ესწრებოდნენ. პროექტის ფარგლებში დევნილთა 5 კოტეჯურ დასახლებაში - სკრაში, ახალსოფელში, თელიანში, ნილკანსა და ფრეზეთში - გაიწმინდა სანიადვრე სისტემები და მოეწყო სადრენაჟე არხები. 9 კოტეჯურ დასახლებაში - ბერბუკში, ხურვალეთში, სკრაში, შავშევებში, კარალეთში, ახალსოფელში, მოხისში, მეტეხსა და ნიკლანში განხორციელდა წყალმომარაგების სისტემების რეაბილიტაცია, მოეწყო დამატებითი სატუმბი სადგურები და მოხდა არსებული სატუმბის რეაბილიტაცია. 5 კოტეჯურ დასახლებაში - თელიანში, ახალსოფელში, მოხისში, ხურვალეთსა და სკრაში მოხდა გაზიფიცირება, კერძოდ, გაიმართა მაგისტრალური და შიდა გაზსადენი ქსელები. გარდა ამისა USAID-ის ფინანსური მხარდაჭერით საქართველოს მუნიციპალური განვითარების ფონდმა საქართველოს გაერთიანებული სამელორაციო სისტემების კომპანიისთვის 551 ათასი ლარის ღირებულების ტექნიკა შეიძინა. მელორაციის კომპანიას გადაეცა: ექსკავატორი, ორი ტრაქტორი, ორი პიკაპის ტიპის ავტომობილი და ორი ყველგანმავალი. სოფელ ფრეზეთში 300 კოტეჯში აშენდა საპირფარეო და აბაზანა, ასევე მოეწყო კანალიზაციის ქსელი და გამწმენდი ნაგებობა, სოფლებში - შავშევებში, ახალსოფელსა და თელიანში - ჯამში, 331 კოტეჯში აშენდა საპირფარეო და აბაზანა, მოეწყო გაზსადენის მაგისტრალური და შიდა ქსელი. სოფლებში - მოხისსა და ნილკანში მდებარე 458 კოტეჯში ასევე აშენდა აბაზანა და საპირფარეო, მოეწყო კანალიზაციის ქსელი და გამწმენდი ნაგებობა, მოეწყო გაზსადენის მაგისტრალური და შიდა ქსელი. ასევე სოფლებში: ბერბუკში, მეტეხში, სკრასა და ხურვალეთშიც 394 კოტეჯში განხორციელდა ინდივიდუალური წყალმომარაგება, მოეწყო ცხიმდამჭერები სამზარეულოდან გამოსავალი წყლისთვის, ასევე გაკეთდა გაზსადენის მაგისტრალური და შიდა ქსელი. ამერიკის შეერთებული შტატების საერთაშორისო განვითარების სააგენტოს მხარდაჭერით საქართველოს მუნიციპალური განვითარების ფონდი საქართველოს სხვადასხვა მუნიციპალიტეტში იძულებით გადაადგილებული პირებისათვის ღირსეული საცხოვრებელი პირობების შექმნის მიზნით სხვადასხვა ინფრასტრუქტურულ პროექტს ახორციელებს.